

اِسْتِخْرَا

نومرو ۱۷

بجانبہ

۷ کانون ثانی ۱۳۲۴

غیرایت آرتمش اولماز ، بلکه مسکی الحنام اولوردی . — ایضاحات تفصیلیه تعلیق اولاندی . بقالم آنلر فصل .

ایشته بر ناظر دها . سفینه دولتک حال حاضری عجیبا یکی کورینک یکیدن قیریلوب قسماً باطمینان استانبول و غلطه آره سنده دومن طومار اداره مخصوصه واپورلریله پویه یلکن یورون ماونه لرك اوکندن آردندن باطه چقه یول آلان صندال و قایقاردن دها آز تهسکه لیمی ؟ ساقلر ، — بقار کروی ، — ممدوح باشلر ، رضا باشلر — بتون او یوز قره لرینه رغماً صحیفه لر طولوسی مدافعات ایله یوزلرینی سیلمک صواشیرکن اداره مشروطه نك استفاده لایق کوردیکی آق یوزلی آدم لرك شرفلرینه کولکک صالحه حق صورتده حرکتلری بزی داغدار ایدر . شکران نعمت و حیثیت اکلاهیة مدیغمز معالرنجه «ایشدن چکلمک کفران نعمت اولور و یا بوکا حیث مانعدر» کی اورطیه سورولن نظریاتک نتیجه فعلیه سی او ایشده بقا اولیور سده شرفمیز بر حیات مأموریت سورولمسی ده او نتیجه نك نتیجه سیدر . کنجلرده قلت تجربه سیدله بصیرت کامله اوله میه جغنی و کنجلك تلوندن خالی بولمسی دیغنی بر حسن حرمانک و یردیکی طومار عجیب ایله ایلرو سورنلر کثرت تجربه نك ده شاشقیلقدن وارسته قله مدیغنی و بصیرتک افراطی هر شیده افراط کی مضر اولدیغنی کورسلر . . .

ابن الضیا

اجمال خارجی

دولت عثمانیه ایله آوستریا آره سنده حصول یافته اولان اتلافک سمای سیاستده پیدا ایندیکی کشایش بلغارلرك عیوقه چقاردقلری ولوله جنک جویانه سوقيه یکیدن زائل ، یرینه بتکرار مظالم بلوطلر قائم اولدی . اتلاف مذکورک بلغارستان اوزرنده اجرای تأثیر ایدرک یعنی آوستریا حکومتی کی بر دولت معظمه نك حقوق عثمانی بی بالک صدیق حکومت عثمانیه تعویض و یرمسی کیفیتک بلغارلرجه نمونه امتثال اوله رقی امارتک ده تعویضات مالیه اعطاسی کیفیتده عزت

نفسی محل بو معامله کورمیه جکی امید اولمقده ایکن بلغارلر بالعکس تمردلرینی آرتدردیلر . لیاچفک در سعادته بولندی صرده در میان ایستدکاری شرائط خارجنده هیچ بر تکلیف قبول ایده میه جکلرینی ، و باب عالینک بو شرائط ایله اکتفا ایده جکی بیلدیرلرلکه لیاچفک در سعادته کلیه جکینی افهام ایستدیلر . اختلافات موجوده نلک کاملاً تسویه سی ایله قونفرانسک بر آن اول انعقاد ایده بیللمسینی التزام ایدن دولت لک طرفین تردید کی تشبثاتی ده بو تمردی قیرمدی ، بلغارلر اردوی عثمانینک مطالب دولتی تأییداً سفر برلک تدارکاتسده بولندیغنی و یا خط امتیاز بونیده اونه دنبرو مختلف فی اولوب سوق الحیش نقطه نظرندن حازاهیت بولان بعض نقاطک اشغالی ایچون ایکنجی اردویه امر ویرلدیکنی بهانه ایدرک تدارکات حربیه لرینه بر دبره کرمی نام ویردیلر . الیوم بوتدارکات بشون اوروپایی تلاش و هیجانه دوشور بور . صلح و مسالمتک محافظه سی اسبابنک استکمالی قوه قریبه یه کلدیکنه حکم اولنور ایکن شمعی ناره حربک ناکهان اشتعال ایده جکندن اندیشه ای دیلیور . بو اندیشه یه زده ده اشتراک اولندیغنی کی امور سیاسیه ایله توغل ایدنلر مزدن برچوخی اول امرده بلغارستان ایله او یوشق لازمکلیکی حالده ترجیحاً آوستریا ایله پیدای ائتلاف ایدلمش اولمسی شایان مؤاخذه کوریور ، بو معامله یی بر خطای سیاسی کی کوستریور . بو مؤاخذه اساس اولق اوزره آوستریا ائتلافنک صربستان و قره طغانی ناخشنود ایلدیکی ، بلغارلرک شمعی او یوزدن اندیشه لری قالمق شویله طورسون بلکه بر مظاهرت کوره بیله جکلری ، والحاصل دولنک الیوم شو اوج حکومت صغیره نلک خشنود سزلنی مواجهه سنده قالدینی در میان ای دیلیور .

«استشاره» قارئلرینک بلا تردد تسلیم ایده بیله جکلری اوزره مجموعه من شمعی به قدر نشر ایده کلدیکی مقالاتک هیچ برنده هیچ بر فرد و فرقه نلک طرفدار ی، و یا فلان و فلان سیاستک مروج و مدافعی اولماش، صرف اصابتنه قائل اولدینی افکار و مطالعاتی شائبه طرفگیریدن عاری اوله رق در میان ایلمشدر . شو سبیله آوستریا ائتلافی ایله بلغار اختلافی حقنده کی ملاحظاتی ده عینی بیسطر فلقله

سرد ایده جکز :

زده اوتدن بری جاری بر عادت واردرکه اوده بر ایشن نه نتیجه حاصل اوله جغنی اؤدجه تخمین و تقدیر ایده بیهلک درجه لرده دوراندیش اولمیانلرک ایش اولوب پتدکدن صکره ناخوش بر نتیجه ظهورنده ما وقعی مؤاخذانه واوله دکل بویه یا بللی ایدی کی مطالعاته کیرشملریدر ایشه شمیدی ده بویه بر حال مواجهه سنده یز . فقط براز تائی ایله دوشونه لم : اول امرده بلغارستان ایله پیدای ائتلاف ایدلمش اولسه ایدی آوستریا اوزرنده نه تأثیر حاصل ایده جک ایدی؟ آوستریا حکومتی بو وجهله حال انفرادده می قاله جق ، مطالب عثمانیه می همان قبوله مجبوریت می حس ایده جک ایدی؟ بوسؤالره صانیرم که قطعی بر جواب ویریله مز ؛ هر حالده آوستریا ک خط حرکت اولیه می محضا بلغارستانک مظاهرتنه کووه نرک تعیین ایتمش اولدیغنه قولایجه حکم اولنه میه جغنی اعتقادنده میم . برده بشقه جهندن تدقیق احوال ایده لم :

عجبا آوستریا حکومتی بلغارستان ایله صربستان وقره طاغدن متشکل اوله رق وجوده کله جکی تخیل ایدیلن هیئت متفقیه یالکیز باشنه فائق بر حکومت دکلیدرکه بو هیئندن اجتناباً بلغارستان ائتلافنک دها اول حصولی ترجیح ایدلمک لزومندن بحث اولونیور؟ قالدی که بلغارستان ایله صربستان وطولایسیله قره طاغ آره سنده دولت علیه علیهنده بر حرکت مشترکده بولنق اوزره بر اتفاق عقدی ده استبعاد اولنه جق درجه لرده معسر در . بلغارلرله صربلیلر آره سنده کرچه اسلاولق نقطه نظرندن بر رابطه جنسیت وار ایسه ده پنهاده موجود اسباب عدیده ضدیت اورابطه می بسبتون احما ایتکده در . اولاصربلیلر «سلیوینچا» ده اوغرادقلری هزیمتک آجیسنی حالا اونوتما مشلدر در . ۱۸۷۱ سنه می مغلوبیتی نصل فرانسرلرجه بر حس انتقام اویناندرمقدن حالی قلیبور ایسه هزیمت مذکوره خاطراتی ده صربلیلری عینی حسیاته مغلوب ایدیور . بوندنمعا صربلیلر ودین حوالیسی اوزرنده ، بلغارلر ایسه نیش حوالیسی ایله صربلیلرک اسکی صربستان نامیه یاد وکندیلرینه عادتیتی ادعا ایتدکاری قوصوه جهتلری اوزرنده بر طاقم امللر

بسمکده در. بویله جه بلغار و صرب امللری بر بویله چاریشیور، آرده غیر قابل
تألیف بر ضدیت تشکیل ایدبور. بلغارستان حکومتی دها طوغریسی بلغارستان
پر نسی بو ضدیتی ازاله ایدربده بلغارلرک ماکدونیه دها سربسته اجرای
تحریکات ایده بیلعلری تأمین ایچون صربستانه بر آردلق خیلی روی مودت
کوسترمش. پرس فردیناند نیشه قدر اختیار سفر ایدرک صربستان قرالی ایله
نمایشکارانه قوجا قلاشمش، حتی بلغارستان ایله صربستان آره سنده برده کمرک
اتحادی عقدی قرارلشدیرلمش ایسه ده بلغارلرک بتون ماکدونیه اوزرنده
امل بسلدکری بلغار چتملرینک صربیلر علیهنده کی تعدیاتی ایله ظاهر اولنجه
نیش مقرر اتندن بر اثر قلمدقن بشقه بالعکس آرده کی منافرت کتدکجه آرمش.
بلغار و صرب چتملری بر لرینی متقابلاً احایه قوبولشد. الحاصل صربستانک
بلغارستانه دست و فاق اوزاتمی شمیدیکی حالدہ داره امکاندن خیلی اوزافدر.
صربیلر بیوک و قوتلی بر بلغارستانک کنیدیلری ایچون بر تهلیکه اوله جغنی
و بو کون بلغارستانه ایدیلرک یاردمک بالاخره کندی باشرینه بلا کتیره جکی
فکرنده درلر. ذاتاً بلغارلرک صربیلردن معاونت دکل بالعکس مخالفت بکلدکاری
الیوم اجرا نمان تدارکات حربیه دن بر قسمک صربستان جهتنده کی حدود
بوینجه ده کورلمسلیه مبرهندر. قره طاغ ایسه بو کون صربیلرله تمامیه هم حال
و متفقدر. ایسته حکومت عثمانیه نک اولا آوستریا ایله ائتلاف عقدینی ترجیح
ایتمکده اصابت ایدوب ایتمیدیکی شو تفصیلاته کوره تدقیق ایدلملیرکه نتیجه
محاکمزه اصابت اولسون!

بلغارستانک شمیدیکی ولولرینه کلنجه بونلرک احوال سیاسیه خیلی وخیم
بر رنگ ویریدیکی بی اشقبه ایسه ده بلغارلرک سیاست مدافعه حقوق امرنده
کوستردکاری کستاخلق مرتبه سنده کی جرأتکارانی قطعی بر خطوه آتمق ایجاب
ایتمیدیکی زمان دخی کوستره سیله جکلرینه کندبجه قائل اوله مامقده یم. امارتک بویله
میدان او قورجه سنه حرکتی ایلمک دفعه واقع دکلدر. بلغارستانک سنه لر دنبری
بتون اوروپا قاینه لرینه یاغدر دینی کسکین نوطه لره، خارجیه ناظرینک صورانیه دن

رفع ایدیلکی شکایات تهدیدکارانه به باقیذبحه تهلکه حریک متقرب الحلول اولدیفنه همیشه حکم ایدیلور ایکن صلح و مسالمت بونجه سنه لر مصون قالدی . همده بلغارستانک ما کدونیه اده کی بلغارلرک کل یوم افنا ایدلمکده اولدیفنی بولنده کی مدعیانی سمع اعتباره آله حق بر اورویا وار ایکن مصون قالدی . حالبوکه شمده بلغارستان هانکی بر دولتک حسیات انسانیت پرورانه سی نه کی بر بهانه ایله غلیانه کتیره جک ؟ الیوم بلغارستانک شکایتی نه در ؟ دولتک حساب و کتابه مستنداً ایستدیکیمو بیضاندنمی ؟ یوقسه دولتک تدارکات عسکریه سندنمی ؟ بو کون عموماً صلح و مسالمتک بقاسنه چالشدق لرینه نظراً دولتر البت بو کوزده آره یه کیره جک ، وصایاده بولنه حق . دولت عثمانیه مطالبنی مسلحاً ترویج ایستدیرمک ، منازع فیه نقاط حدودیه نی جبراً ضبط ایتمک فکر وینتنده اولمدیفنی حقنده تأمینات ویره جک اولورسه بلغارستان واولای حرججویانه سی نه ایله حقه تألیف ایده جک ؟ اوده تأمینات مقابله مسالمت پرورانه ده بولنغه مجبور اولمزیم ؟ الحاصل محافظه صلحدن هنوز قطع امید ایدیه مز .

انکلتزه خارجییه ناظری سر « ادوارد غرمی » دخی بو امیدک هنوز باقی بولندیفنی بر قاج کون اول « غولد استریم » ده ایراد ایستدیکیمو نطق سیاسیسنده بسط وتمهید ایلمشدر . ناظر مشارالیهک انکلتزه ده آوستریایه قارشو بر خصومت اولمدیفنی بیان ایتمیسه جای دقتدر . انکلتزه حکومتی قرالک برلینه سبیاحتی اوزرینه آلمانیا ایله موجود مناسبات حاضرهننده بر صلاح حصولنی امید ایستدیکیمو مثللو بو کی بیانات اخلاص شعارانه ایله آوستریایک ده جلب خوشنودیسنه سعی ایدیلور . واقعا هر سعی و امیدک تیسرینه حکم ایدیه مز سده بو تمایلات خیرلی علامتلدر . آلمانیا ایله آوستریایک انکلتزه دن شهه لری زائل اولنجه انکلتزه سیاست حاضرهنده سنک معطوف بولندیفنی مقاصدک حصولی ده قولایلا شور ، بو مقصدلرک باشلوجا سی ایسه صلح و صلاحک محافظه سی ایله حکومت مشروطه عثمانیه نک حضور و سکون ایچنده اجرای اصلاحاته فرصت یاب اولمیسیدر .

محمد صالح